

Headline	Hidap HIV alasan popular pengemis		
MediaTitle	Harian Metro		
Date	21 Jun 2017	Color	Full Color
Section	Setempat	Circulation	179,231
Page No	11	Readership	537,693
Language	Malay	ArticleSize	98 cm ²
Journalist	N/A	AdValue	RM 3,861
Frequency	Daily	PR Value	RM 11,582



Hidap HIV alasan popular pengemis

Kuala Lumpur: Sakit kronik HIV dan tidak mempunyai pekerjaan. Itu dua alasan paling popular diberikan pengemis ketika disoal siasat pegawai Jabatan Kebajikan Masyarakat (JKM).

Selain itu, alasan kesalahan yang dilakukan adalah kali pertama mengemis selain

menggunakan taktik menjual tisu untuk mengelak diberkas di beberapa bazar dan masjid di ibu negara.

Pengarah JKM Kuala Lumpur Wan Noraidah Wan Mohd Zain berkata, Segelintir daripada mereka memberikan alasan terpaksa meminta simpati orang untuk mendapatkan wang kerana mengalami sakit kronik seperti tibi,

HIV dan hepatitis.

“Ada juga mendakwa tidak mempunyai pekerjaan, selain alasan menjual tisu dan baru melakukan kegiatan itu pertama kali,” katanya.

Beliau berkata, melalui alasan yang diberikan itu, pihaknya menyerahkan pengemis yang diselamatkan kepada agensi yang terbabit untuk siasatan dan tindakan lanjut mengikut bidang

kuasa masing-masing.

“Dalam operasi tahun lalu, kami menyerahkan empat individu kepada Agensi Antidadah Kebangsaan (AADK), 45 kepada Pesuruhjaya Tinggi Bangsa-Bangsa Bersatu Untuk Pelarian (UNHCR), tiga kepada Jabatan Agama Islam Wilayah Persekutuan (JAWI), enam kepada badan bukan kerajaan (NGO) dan 59 dibebaskan,” katanya.